

欽定大清會典事例

欽定大清會典事例卷四百五十五

禮部

家祭親王世子郡王家祭  
公家祭 品官家祭 貝勒貝子宗室 庶士家祭 庶

人家祭

親王世子郡王家祭。凡親王世子郡王家祭之禮立廟七間。中五間為堂。左右二間隔以牆為夾室。堂後楣以北五室。中奉始封之王。世世不祧。高曾祖禰依世次為二昭。二穆。昭東穆西。親盡則祧。由昭祧者藏主於東夾室。升昭之二位於一室。以二室奉升祔之主。由穆祧者藏主

於西夾室。升祔亦如之。庭繚以垣。南為中門。又南為廟門。左右各設側門。庭東西廡各三間。東藏遺衣冠。西藏祭器樂器。廟重檐丹楹。采栢綠瓦。紅堊壁。階祀三出。陛門繪五色花草。出陛如之。焚帛鑪在中門之內。庭東南隅。封牲房。在中門之外。西嚮。歲以四時。仲月。誦吉。祭其始。封祖及高曾祖禰五世。仲春之祭。並出祧主合食。凡合食之禮。既擇日。徧告在廟所出子孫成人以上者。屆期會行禮。府屬官僚咸陪祭。先三日。戒子弟屬官有執事於廟者。讀祝一人。通贊一人。

引贊一人。職盥一人。掌案一人。職拜褥二人。以屬官為之。奉香每案一人。奉帛每案一人。奉爵每位一人。以子孫為之。主人齋於外寢。陪祭執事者咸致齋。祭前一日。執事者入廟。埽除拂拭。主人盛服率執事詣廟。引贊引主人入自東門。執事者隨入。升東階。入堂左門。北面視設神案。堂中始封祖專案。正位南嚮。左東夾。祧主共案。東位西嚮。右西夾。祧主共案。西位東嚮。左次二昭共案。東位西嚮。右次二穆共案。西位東嚮。堂中少西。設祝案一。北嚮。東序設香帛案一。尊案一。均

西嚮。設盥於東階上。既備。引贊引主人降。詣庭

東廊下。展樂器。祭器。間祭文。詣封牲所。視殺牲

畢。由廟東門出。各退。祀日昧爽。廟中然炬。明鑑

主人率陪祭者。執事者咸朝服。未仕者或服入執事

者入堂左門。具器陳。每案羊一。豕一。釧二。簋二。

簋二。籩八。豆八。器未備者代以鑪一。鐙二。每位

七。一著二。祝陳。祝文於祝案。職香帛。爵者陳香

盤五。尊五。帛每位各一。爵每位各三。於負序東

案上。陳胙盤於爵北。實帛於籩。實酒於尊。實水

於盥盆加巾。樂工陳樂於西階上。樂六人。主人

立堂檐內正中。北面與祭伯叔以上尊行位。東階上。兄弟子孫位。東階下。以世為差。世以齒為序。官屬位。西階下。以爵為序。北面。祝立。祝案。西東面。職香帛爵者。序立。尊案之東西面。樂工立西階上。北面。通贊立堂門外東楹前。職盥者立盥所。燎人立燎鑪。燭質明。子弟之長者二人詣始祖室前。啟室奉請神主。又四人分詣東西夾室。昭穆室前。各奉請神主。安設於几。皆昭位考右。妣左。穆位考左。妣右。跪一叩興。各退就原位立。職拜禱二人布褥於主人拜位前。通贊贊執

事者各司其事。引贊引主人陟東階。至盥洗所。盥手畢。通贊贊就位。引贊引主人就拜位。立。子弟屬官各就位。立。通贊贊迎神。職香者奉香盤進。樂作。引贊引主人詣始祖位前。贊跪。主人跪。贊上香。職香者跪奉香。主人三上香興。以次詣左右祧位。左右昭穆位前上香畢。復位。贊叩興。主人宗族屬官行二跪六叩禮興。樂止。通贊贊奠帛爵。行初獻禮。樂作。執事者揭尊幕。勺挹酒。實爵。職帛者奉帛。職爵者奉爵。以次詣各神位前。奠篚於案南。獻爵於案北正中。畢。皆退。樂暫

止。祝者至祝案前跪。奉祭文俟案左。引贊贊跪。主人跪。陪祭者皆跪。贊讀祝。祝讀祝畢。興。奉祭文奠於始祖案前帛篚內。退。樂作。贊叩興。主人率陪祭者三叩興。樂止。通贊贊行亞獻禮。職爵者奉爵各獻於左。如初儀。贊行終獻禮。奉爵各獻於右。如亞獻儀。既終獻。引贊引主人詣始封祖位前。奉福胙二人。以正位前職取胙盤詣始祖案前。一抄簋簋之實於盤。一取案北正中爵。退至主人右。跪俟。接福胙二人。跪俟於左。以職事者供贊跪。主人跪。右執事進爵。主人受爵拱舉。



以授左執事。進胙受胙亦如之。畢執事者各退。贊叩興。主人三叩興。退復位。通贊贊徹饌。辭神樂作。執事者徹畢。引贊贊叩興。主人率陪祭者行二跪六叩禮。興樂止。通贊贊奉祝帛送燎。執事者跪奉祝帛香興。祝前香帛後。以次由堂中門出。送燎所。主人避立拜位旁東面。職拜。禱者俟過復位。與祭尊屬降階。立庭東西東面。通贊贊望燎。引贊引主人降自東階。詣燎位東面視燎畢。告禮成。主人退就庭東立。子弟之長者各詣神位前。奉主還室。跪三叩。闔室退。執事者

潔滌祭器。謹藏之。主人率陪祭執事者咸退。乃分  
胙。徧頒於族屬。凡時祭之禮。堂中設五案。始祖考  
妣正位南嚮。高曾祖稱依昭穆為左右。與合食同。  
均南嚮。屆日陳設。每案專牲。羊一。豕一。餘牲帛器  
數及禮節。並與合食儀同。凡時節致薦。先一日潔  
備品物。屆日。主人夙興。率子弟盛服入廟。掃除堂  
宇。於始祖暨四親室前設案。每案果六盤。時羞六  
盤。香盤一。每位箸二。棧三。鑪。鐙具陳設畢。子弟之  
長者分詣各神位前啟室。主人以次詣各案前。跪  
上香三叩。子弟取壺注酒於棧。徧獻一巡。主人就

拜位前。行二跪六叩禮。子弟少後。隨行禮畢。乃徹果饌。闔室各退。凡因事致告。屆日夙興。入廟啟室。薦果盤四。庶羞四。主人上香。子弟酌酒獻酒。及行禮儀節。並同薦新儀。凡月朔日及望日。謁廟禮節。與致告同。東西夾室。祧位前。每月朔望。主人就室前啟室。上香。二跪六叩。子弟獻酒。隨行禮如前儀。畢。闔室退。○崇德元年定。宗室封王者。立家廟致祭。○順治五年定。宗室封王無嗣者。於

太廟後殿兩廡祔祭。有嗣者。令其子孫立廟致祭。廟制。正殿七間。臺基高二尺一寸。院內東廡房三間。

儲祭器及祭獻等項。西廂房三間。儲樂器。臺基皆高一尺六寸。大門三間。臺基高一尺六寸。院內西旁門一座。院內東旁設燎鑪一座。大門外西旁設宰牲房三間。其正殿廂房大門皆五彩畫花草。上用綠琉璃瓦。殿門牆外用紅土。內用白堊。院牆用紅土。綠瓦蓋頂。帛鑪亦用綠瓦。牌位高二尺。闊四寸。朱紅色。上刻追封謚號墨書。安於朱紅木龕內。設紅片金帳幔。其廟中王位以居中為尊。餘分列左右。如止一王。正設中間。每於正月四月七月十月歲暮日。前期三日齋戒。候饗。

太廟諸王陪祭禮成各回府致祭。凡有薦新品物如

太廟未獻之先。不許家廟薦獻。如王有事。不得親祭。令子

弟代祭。如無子弟。令護衛代祭。其奠帛祭品。該王

自行備辦。引贊人於所屬官員內選充。其祝文內

間撰給體式。○又定莊親王立一廟。禮親王奠親

王謙郡王共立一廟。肅親王立一廟。饒餘郡王端

重親王共立一廟。穎親王順承郡王共立一廟。豫

郡王立一廟。克勤郡王衍禧郡王共立一廟。○雍正

九年定怡賢親王立一廟。○光緒十六年。欽奉

懿旨。醇賢親王廟著於新賜邸第建立。所有廟中殿宇

及正門瓦色中用黃色琉璃。殿脊四圍及正門四圍均用綠色琉璃。其祀典應照天子之禮。立廟後每歲時享。著於四仲月朔舉行。由承襲王承祭。皇帝是否親行。先期由太常寺請旨。遇醇賢親王忌辰誕辰。皇帝均親詣行禮。貝勒貝子宗室公家祭。凡貝勒貝子宗室公家祭之禮。立廟五間。中三間為堂。後楹以北分五室。奉始封祖暨高曾祖禩。兩旁為夾室。奉始封而下親盡祧主。廟及大門均綠瓦紅墜壁。階五級。廟不重檐。門不備采。餘如親王制。合食。始祖專案專牲。羊一。豕一。東夾室祧主暨二昭專。

案共牲羊一。豕一。西夾室祧主暨二穆亦如之。時祭皆專案。二昭同牲。二穆同牲。視親王。蓬豆各減二。不用樂。行禮皆一跪三叩。餘儀與親王同。時節則薦果盤四。時羞盤四。有事則告。朔望則參果盤二。庶羞盤二。其薦獻儀節均與親王同。品官家祭。凡品官家祭之禮於居室之東立家廟。一品至三品官廟五間。中三間為堂。左右各一間。隔以牆。北為夾室。南為房。堂南檐三門。房南檐各一門。階五級。庭東西廡各三間。東藏遺衣物。西藏祭器。庭繚以垣。南為中門。又南為

外門。左右各設側門。四品至七品官。廟三間。中為堂。

左右為夾室。為房。階三級。東西廡各一間。餘制與三

品以上同。世爵公侯伯子視一品。男以下按品為差等。八九品廟三間。中

廣左右狹。階一級。堂及垣皆一門。庭無廡。以篋分藏

遺衣物祭器。陳於東西房。餘與七品以上同。在籍進士舉人

視七品。恩拔歲。對貢生視八品。堂後楹北。設四室。奉高曾祖禰四世。

皆昭左穆右。妣以適配。南嚮。高祖以上親。盡則祧。由

昭祧者。藏主於東夾室。由穆祧者。藏主於西夾室。遷

室祔廟。均依昭穆之次。東序西序為祔位。伯叔祖之

成人無後者。伯叔父之成人無後。及其長殤。至十六歲



者。兄弟成人無後。及其長。塲中塲。至十二歲者。妻先歿

者。子姓成人無後。及其長。塲中塲下塲。至九歲者。至者。皆

以版。按行輩。墨書。男統於東。女統於西。東西嚮。歲以

春夏秋冬仲月。擇吉致祭。戒子弟讀祝。一人贊禮。一

人執爵。每案二人。分薦。拊位東西各一人。凡在廟所

出。子孫年及冠以上者。皆會行禮。先祭三日。主人及

在事者。咸致齋。前一日。主人率子弟。盛服入廟。視

潔除拂拭畢。執事者於各室前設几。几前供案。堂

南總香案一。鑪禁具。拊位東西各統設一案。設

祝案於香案之西。設尊爵案於東序。設盥盤於東階

上。視割牲。一品至三品。官羊一。豕一。四品至七  
品。特豕八品以下。豚肩不特殺。視滌祭器。三品  
以上。每案俎二。釧二。敦二。邊六。豆六七品以上。  
邊四。豆四。八品以下。邊二。豆二。皆俎一。釧敦敦  
同。代以時用。辨祭器之實。俎實牲體。釧實羹。敦  
實飯。邊實時果。餅餌魚腊獸腊之屬。豆實爨。載  
時蔬之屬。屆日五鼓。主人朝服。與祭執事者盛  
服入廟。主人俟於東階下。族姓俟庭東西。以昭  
穆世次為序。執事者陳鑪鐙於供案南。陳尊爵  
於東序案。代以壺。陳祭文於祝案。實水於盥盤

加巾。主婦率諸婦盛服入詣饗所。視烹飪奠定。入於東房。治籩豆之實。陳劔敦匕箸醢醬以俟。質明。子弟之長者盥詣各室前跪。一叩興。啟室奉主。以次設於几。昭位考右妣左。穆位考左妣右。分薦者設東西。祔位畢。贊禮立堂東檐下。西面。諸執事分立東西序。端相嚮贊就位。主人升自東階。盥詣中檐拜位立。族姓行尊者立於東西階上。卑者立於階下。皆重行北面贊參神。主人入堂左門。詣香案前跪。執事二人司爵一奉香盤。一挹尊酌酒。詣主人左右跪。左進香。主人

三上香。右進爵。主人酌酒於地。以爵奠於案。興。退出右門。復拜位。及族姓行一跪三叩禮。贊初獻。主婦率諸婦出於房。薦七箸醢醬於几前。案北跪一叩興。徧及祔位。退入於房。庖人解牲體。實於俎。執事奉以升。各薦於供案。主人詣高祖案前。執爵者奉爵。主人獻爵奠於正中。跪叩興。以次詣曾祖祖禰案前。獻爵如前儀。分薦者徧獻祔位。酒訖。退立於拜位。贊讀祭文。主人跪。族姓皆跪。祝詣祝案之左。跪讀祭文。曰。維某年月日。孝孫某謹告於某考某官府君某妣某氏之

靈曰。氣序流易。時維仲春。夏秋。冬秋。追感歲時。不勝永

慕。謹以潔牲庶品。來盛醴齊。敬薦歲事。以某親  
某氏等。祔食尚饗。讀訖。興以祭文。復於案。退。主  
人以下一叩興。贊亞獻。庖人納羹飯於東房。主  
婦率諸婦。和羹實於鉶。實飯於敦。出薦於案。及  
腊肉炙載。徧跪叩興。退如初禮。主人獻爵於各  
位之左。贊三獻。主婦率諸婦出於房。薦餅餌果  
蔬。叩退。主人獻爵於各位之右。分薦者徧獻。祔  
位酒。均如初獻儀。贊受椒。祝取高祖供案酒。饌  
降至香案旁。主人詣香案前跪。祝代祖考致椒

於主人。主人啐酒嘗食。反器於祝。接以興。主人一叩興。復位。贊送神。主人以下一跪三叩。贊望燎。祝取祭文由中門出。送燎。主人退避東階下。行輩長者咸降階。主人詣燎位視燎畢。與祭者出。主人率子弟納神主。上香行禮。徹祭器。傳於燕器。潔滌謹藏之。闔門各退。日中乃餼。三品以上。時祭徧舉。四品至七品。春秋二舉。八品九品。春一舉。庖人熬酒饌。僕人布餼席於堂東西北上。陳醢醬於席四隅。殘楪匙箸之屬皆辨。與祭者尊卑咸在。從曾祖諸父居東第一席。從祖諸

父居西第一席。諸父次東一席。諸昆弟次西一席。諸子諸孫在東西之末各一席。序定。主人肅尊者入席。從曾祖諸父卽席。從祖諸父東嚮尊者肅揖。就位。諸父東嚮揖。就位。諸昆弟揖如之。復揖諸父。就位。諸子揖如諸父。復揖諸昆弟。諸孫揖如諸子。復揖諸子。皆就位。主人離席。僕執壺實酒。從主人酌諸尊長酒。每酌一人肅揖。尊長答揖。徧就位。子弟之長者離席。僕人執壺從。敬酌主人。諸子弟咸避席揖。主人答揖。復位。主人命諸子弟徧酌酒。席中少者舉壺。各

酌於其長者。既徧，皆坐。主人興，舉酒請於尊長。坐。尊長乃嘗酒。卒爵，衆嘗酒。卒爵，僕人進食。主人興，請於尊長坐。尊長舉箸嘗食，乃皆食。每進食，子弟間行酒。三巡，長幼獻酬交錯，飲無算爵。湯飯畢，長者起，主人請留。長者告飽，遂離席。諸子弟咸隨離席，以次出。主人送長者於門外，入命徹席。餽庖人僕人皆盡。凡恭遇

覃恩告廟，行焚黃告祭之禮。

制書至，主人以黃紙恭膝一通，奉於廳事正中。誦吉日，擇同姓或戚屬已仕者一人，宣



制。戒子弟引贊二人。通贊二人。徧戒族姓。屆期會行。

禮前一日齋戒。備告文祝文。牲饌視新贈之爵。

為等。至日夙興。灑埽堂宇。供張設饌案。所以追贈

數為香案梳架如儀。設改題神主案於堂東西。

嚮。使人宿宣。

制者。主人朝服率子弟盛服入廟。諸與祭者皆會。主

人詣贈主室前。啟室焚香。跪子弟一人奉告文。

跪於主人之左。讀告文。辭曰。維某年月日。孝子

某或稱謹告於某考某官府君某妣某封某

氏之靈曰。某幸得列於位。恭逢

恩命。

贈及先人。敬請神主。祇受。

制書。改題奉祀。謹告。讀訖。興。主人叩興。奉考主。子弟奉妣主。及族姓出廟門。俟於道左。宣。

制者奉。

制書。前引二人導行。至廟。衆跪接。

制書入中門。升中階。南嚮立。衆皆隨入。至階下序立。主人奉考主在東。子弟奉妣主在西。族姓重行立其後。皆北面。通贊分立東西柱前。贊宣。

制。主人以下皆跪聽。宣。

制畢。奉主行三跪九叩禮。衆隨行禮。宣

制官以

制書供香案架上。主人奉主置改題案上。揖勞宣

制者。宣

制者答揖。復揖辭。降自西階。主人從至廟大門外。揖  
送入。改題神主爵位。訖。奉主復位。序立。參神。讀  
祝。三獻酒。如時祭之儀。祝辭曰。維某年月日。孝  
子某謹告於顯考某府君顯妣某氏之靈曰。某  
恭承庭訓。列位於

朝。仰荷

皇仁推恩所生。贈考為某銜。妣為某銜。感念先澤。祿弗逮養。茲以焚黃。謹備牲醴。用伸薦告。尚饗。祭畢。焚黃並祝文。奉主復於室。闔室出。主人以下皆退。頌酢於宣。

制者。餼族姓如儀。歲逢令節。薦新物。一二三品官。每案時果四。庶羞四。羹飯具四品。至七品官。每案時果二。庶羞四。八品九品官。每案時果庶羞各二。餘同。是日夙興。主婦潔辦果饌。主人盛服率族姓子弟入廟。然鐙灑埽。設案室前。訖盥洗。啟室。子弟分陳匙箸壺琖之屬於案北。主人序立。

於香案前。族姓以次序列於主人之後。主人跪。焚香訖。叩興。子弟奉果羞。從主人詣高祖考妣位前。薦果薦羞畢。子弟舉壺取琖酌酒。進於主人。主人奠酒訖。子弟復奉羹飯。從主人薦羹飯訖。以次詣各案薦奠如前儀。退至香案前。率族姓子弟一跪三叩興。子弟徹饌。主人闔室皆退。月朔望日。主人豫備茶食之屬。每案二器。主人夙興盥洗盛服。率族姓子弟入廟。灑掃潔神案。啟室序位於香案前。主人跪。焚香訖。叩興。子弟奉食及茶。從主人詣各神案前。以次供食。供茶。

畢退。復位。率族姓子弟行禮。如時薦之儀。徹主人闔室皆退。

庶士家祭。

○凡庶士貢監生員家祭之禮。於寢

堂之北為龕。以版別為四室。奉高曾祖禰。皆以

妣配位。如前品官儀。南嚮。前設香案。總一服。親

男女成人無後者。按輩行書紙位。祔食。男東女

西。相嚮。事至則陳已事。焚之。不立版。歲以春夏

秋冬節日。出主而薦。棗盛二盤。肉食果蔬之屬

四器。羹二飯二。前期。主人及與祭者咸致齋。薦

之前夕。主婦盛服。治饌於房中。厥明夙興。主人

吉服。率子弟設香案於南。然燭。置祭文。堂北設  
供案二。昭東穆西。均以妣配。位均南嚮。設祔案  
於兩序下。各一。男東女西。東西嚮。主人以下盥  
奉木主。設於案。設祔位於兩序案訖。主人東階  
下立。衆各依行輩東西序立。主人詣香案前上  
香畢。率在位者一跪三叩興。主婦率諸婦出房  
中。薦七箸醯醬。跪叩如儀。退。子弟奉壺。主人詣  
神案。以次斟酒。薦熟訖。皆就案南跪。叩興。子弟  
薦祔位畢。主人跪。在位者皆跪。祝進。至香案之  
右。讀祭文。

辭見品官祭禮減  
潔牲二字餘同

訖興退。主人以下

叩興再獻。主婦薦飯羹。三獻。主婦薦餌餅時蔬。主人斟酒跪叩。均如初儀畢。主人率族姓一跪。三叩興。祝取祭文及祔食紙位焚於庭。衆出。主人納木主。徹退日中而餽。春一舉布席於堂東西北上。陳椅棧匙箸。如其人數。傳祭食於燕器。熱酒饌。族姓至。主人肅入序位。以行輩年齒為等。旅揖。即席。進酒饌。酬酢如禮。湯飯畢。長者離席告退。主人送於門外。諸子弟皆隨以出。徹。僕人餽餘食皆盡。月朔望日。主人及家衆夙興盥洗。啟寢室。然燭。詣香案前。依行輩序立。主人上



香訖子弟奉茶。主人獻茶。復位。率衆一跪三叩。興。徹茶。闔室衆退。若家有吉事。主人盥洗。啟室。然燭焚香。以其事告。行禮如朔望儀。

庶人家祭。○凡庶人家祭之禮。於正寢之北。為龕。奉高曾祖禰神位。歲逢節序。薦果蔬新物。每案不過四器。羹飯具。其日夙興。主婦治饌。主人率子弟設案。然鐙。啟室。奉神主於案上。以昭穆序。主人立於香案前。家衆序立於主人下。以行輩為先後。主人上香。一跪三叩。興。主婦陳匕箸醢醬。薦羹飯果羞。跪叩如儀。主人酌酒進於各

位前。凡三次。皆跪一叩興。畢。主人率衆一跪三叩興。納主於室。徹退。日中。衆餽神食。歲一舉。論行輩先後。同行序齒列坐。酒行飯已。肅揖以退。月朔望日。供茶。然香。鐙。行禮告事亦如之。均與庶士儀同。

欽定大清會典事例卷四百五十六

禮部

喪禮

太宗文皇帝大喪儀 太祖高皇帝大喪儀

世祖章

皇帝大喪儀

太祖高皇帝大喪儀。○天命十一年八月十一日。

太祖高皇帝崩。是日。諸貝勒大臣及侍衛以至羣臣萬

民哀慟呼號。遠近不絕。○先是七月二十三日。

駕幸清河。不豫。八月初七日。

太祖高皇帝疾大漸。乘舟還瀋陽。順太子河而下。入渾

河。溯流至靺鞨雞堡。距瀋陽城四十里。十一日未

刻。

太祖高皇帝崩。羣臣恭昇至瀋陽城入宮。○十二日。

太妃以身殉。遂同時而斂。恭奉

龍輦出宮。奉安

梓宮於瀋陽城中西北隅。○九月初一日。

太宗文皇帝即位。

頒詔大赦。是年丙寅。仍用

太祖年號。以明年丁卯為天聰元年。

太宗文皇帝素服居喪。○二十六日。蒙古科爾沁土謝

圖汗遣使來弔喪。○十月初七日。國舅科爾沁

卓哩克圖烏克善。偕其母備馬酒來弔喪。○十  
七日。蒙古科爾沁土謝圖汗奧巴岱達爾漢。札  
薩克圖杜梭布達齊冰圖洪果爾。伊爾都齊哈  
坦巴圖魯桑噶爾寨色特瑪。小桑噶爾寨噶漢  
木寨額參卓哩克圖台吉瑣諾木等遣使來弔  
喪。明甯遠巡撫袁崇煥遣李喇嘛及都司傅有  
爵田成等三十四人來弔喪。○十一月。喀爾喀  
寨賽貝勒遣使齋馬匹白布來弔喪。國舅桑噶  
爾寨親齋韋馬及牛來弔喪。○十二月除夕。天  
聰元年元旦。俱徹樂停燕。○天聰元年四月二

十日。

太宗文皇帝詣

太祖梓宮前行禮。○三年二月初十日。

太宗文皇帝諭諸貝勒大臣曰。

皇考太祖梓宮宜遷吉地。遂卜地於瀋陽城東二十里

渾河北石背頭山。遣官詣東京奉遷。

孝慈高皇后梓宮合葬。大貝勒莽古爾泰母福晉富察

氏柩亦同遷焉。十三日清明節奉遷。

太祖高皇帝梓宮安葬。

福陵。

太宗文皇帝率諸貝勒大臣。五鼓謁拜。

太祖高皇帝几筵奠酒。焚楮錢。讀遷葬祝文畢。焚之。

太宗文皇帝與諸貝勒親奉。

梓宮出殿。諸大臣奉置。

靈輿。列鹵簿奏樂。八旗諸臣分為八班。輪昇至。

山陵。以。

孝慈高皇后梓宮與。

太祖高皇帝梓宮合葬。大貝勒莽古爾泰。母福晉富察。

氏之柩。祔葬於旁。葬畢。焚楮錢以祭。禁。

陵前不許乘車馬行走。過必下。諸貝勒大臣以至小民。

不下徑過者治罪。於東西兩旁立下馬坊。○崇德元年四月。恭上

尊諡曰

承天廣運聖德神功肇紀立極仁孝武皇帝。

廟號

太祖。○康熙元年。恭加上

尊諡曰

太祖承天廣運聖德神功肇紀立極仁孝睿武弘文定業高皇帝。

太宗文皇帝大喪儀。○崇德八年八月初九日。



太宗文皇帝崩。是日。鹵簿全設。內外和碩親王以下。佐領以上。朝鮮國世子等及公主和碩格格和碩福晉以下。佐領等官命婦以上。咸成服。內外和碩親王以下。佐領以上。皆截髮辮。和碩福晉以下。佐領等官命婦以上。亦截髮。公主下嫁者不截髮。衣縞素。時外藩科爾沁和碩福妃和碩賢妃與察哈爾故額駙額哲妻固倫公主。祁他特額駙妻固倫公主。弼爾塔噶爾額駙妻固倫公主。多羅郡王班第額駙妻公主。和碩卓哩克圖親王烏克善妻多羅巴圖魯郡王滿珠習禮妻。

多羅格格等俱以賀捷至

盛京未還遇喪。衣帶皆編素。不截髮。王以下奉國將軍以上。公主和碩福晉以下。縣君奉國將軍淑人以上。齊集。

清寧宮前詣

几筵焚香。跪祭酒三爵。立舉哀。都統尚書以下各官齊集。

崇政殿前。都統尚書等命婦以下。俱齊集。

大清門外。各按旗序立舉哀。○次日奏樂。奉安。

梓宮於

崇政殿設

几筵樂止。諸王貝勒以下各官每日入臨二次。上香獻饌。衆皆跪。祭酒三爵。三叩興。立舉哀。凡三日止。

○第四日。王貝勒貝子公及福晉等歸府第齋宿。部院官各於本衙門齋宿。間散官俱於篤恭殿前齋宿。凡十八日止。諸王率都統等每日黎明哭臨一次。祭奠如前者。又七日。諸王以下各官不祈禱。不祭祀。不燕會。凡百日止。軍民人等。凡十八日止。禁止屠宰。凡十三日止。外省官民人等。以

詔到日摘冠纓成服。各官於本衙門齊集。每晨夕上香。  
三跪九叩興。舉哀。凡三日止。至二十七日除服。  
○二十三日。行初祭禮。王以下。佐領以上。固倫  
公主和碩福晉以下。佐領命婦以上。齊集行禮。  
○二十四日。諸王貝勒貝子率文武各官祭奠  
几筵前。以

世祖章皇帝嗣承大位告。○科爾沁和碩福妃。和碩賢  
妃。冰圖王妃。和碩土謝圖親王。巴達禮。和碩卓  
哩克圖親王。烏克善。多羅巴圖魯郡王。滿珠習  
禮。多羅札薩克圖郡王。布塔齊。國舅桑噶爾塞。

固倫額駙巴雅思護朗那他特。弼爾塔噶爾和  
碩額駙多爾濟穆章多羅額駙綽爾濟土默特  
部落查薩哀達爾漢歸化城土默特部落章京  
諾爾布教漢部落固倫額駙多羅郡王班第喀  
喇沁部落查薩哀杜梭札魯特部落喇巴泰烏  
喇特部落小桑噶爾寨鄂爾多斯部落沙克察  
巴林部落寨布騰多羅額駙色楞四子部落查  
薩哀達爾漢卓哩克圖郭爾羅斯部落布木巴  
翁牛特部落博拉戈查薩哀達爾漢戴青寨桑  
烏巴什察哈爾固倫公丰柰曼部落多羅達爾

漢郡王哀出斯巴圖魯和碩額駙巴達里杜爾伯特部落色冷額林臣伊蘇特部落噶爾瑪宜爾登札賚特部落山查克什克騰部落色冷達爾漢巴圖魯等及大小頭目喇嘛各上香獻駝馬金銀緞疋貂皮鞞轡甲冑衣帽等物酌納之附八旗下外藩駐牧蒙古公博洛多羅額駙戴達爾漢昂邦章京阿爾鼎古黑德祁他特車爾貝查木素諾爾布德參濟王卓爾齊奉哈岱叟格毛海梅勒章京綽爾門哀楚克甲喇章京海塞穆章等上香獻鞞馬銀器等物酌納之。○二

十六日。

世祖章皇帝即位不設鹵簿不作音樂。  
頒詔於朝鮮外藩蒙古諸國國王等於

詔到日舉行喪禮至二十七日除服。○九月初九日行  
滿月禮。王以下各官公主福晉及官員命婦齊  
集行禮與初祭同期。年內滿月皆致祭。是日出  
征諸王貝子公大臣等先釋服。○二十日。

太宗文皇帝山陵寶城宮殿告成遣官祭告

園丘

太廟。○二十一日恭奉

太宗文皇帝梓宮

寶位詣

昭陵前期於

几筵前祇告。是日諸王以下及已出痘之公主和碩福

晉格格等集

崇政殿哭臨和碩親王詣

梓宮前跪祭酒三爵。諸王以下皆跪行三叩禮。學士跪

讀祝文畢。鹵簿全設。作樂前引。

梓宮出大清門。未出痘公主福晉格格集城門。迤北序

立候



靈駕至。跪舉哀。候過。隨行。都統尚書以下。佐領以上。都  
統尚書命婦以下。佐領命婦以上。外藩喀爾喀  
鄂爾多斯土默特索倫薩哈爾察等。分兩翼集  
關門外。俱候。

靈駕至。跪舉哀。候過。隨行至。

陵奉安

梓宮於殿內。陳設祭禮。諸王內大臣及公主格格福晉  
等列階上。都統以下各按旗列階下。和碩親王  
詣

梓宮前跪。祭酒三爵。諸王以下俱跪。行三叩禮。畢各就

列舉哀內大臣都統副都統尚書等官升階詣梓宮前跪各獻爵畢徹饌

孝端文皇后及諸妃奉

梓宮前陳設御衣舉哀下殿置焚榻上跪祭酒三爵衆皆跪行三叩禮畢

孝端文皇后升殿諸王等進近焚榻前舉哀行一跪三叩禮是日親王以下佐領以上和碩福晉以下佐領命婦以上咸除服○冬十月初五日蘇尼特部落騰機特喀爾喀部落土謝圖汗下諾爾舍津等進香獻韋馬銀幣茶香等物酌納之○

初九日。烏珠穆沁部落和碩蘇勒親王。阿霸爾喀部落多羅卓哩克圖郡王。蘇尼特部落多羅杜棱郡王。多羅墨爾根郡王。鄂爾多斯部落濟農。浩齊特部落博羅特等進香。獻駝馬。酌納之。○二十五日。行大祭禮。鹵簿全設。讀文致祭。王以下各官。公主福晉及官員命婦。齊集行禮。與初祭同。凡初祭大祭之次日。行繹祭禮。內大臣侍衛齊集。是日。朝鮮國王李侗遣其子湏。奉表獻龍燭祭品等物致祭。○三十日。喀喇沁部落額駙弼喇席下。阿布圖等進香。獻蟒衣緞馬等。

物酌納之。○十一月十九日。行百日禮。親王以下。參領以上。固倫公主和碩福晉以下。副都統命婦以上。齊集。○二十八日。鄂爾多斯部落濟農進香。獻馬。駝。緞。疋等物。酌納之。○十二月初九日。鄂爾多斯部落台吉。阿拉那等進香。貢駝馬等物。酌納之。○二十八日。行歲暮禮。鹵簿全設。親王以下。佐領以上。固倫公主和碩福晉以下。都統命婦以上。齊集。是日。科爾沁。綽克進香。獻貂皮馬匹。酌納之。○順治元年正月元旦。

御殿。停筵燕。免上表。並年例進獻。○初九日。喀爾喀部

洛喇瑪塔爾達爾漢諾顏進香獻馬酌納之。  
清明致祭禮。因簿全設親王以下參領以上。固  
倫公主和碩福晉以下縣主以上齊集。○五月  
十七日。

山陵寢殿寶座告成致祭。○八月初九日。行周年禮。親  
王以下。佐領以上。固倫公主和碩福晉以下。奉  
國將軍淑人都統尚書命婦以上。齊集讀文致  
祭。○是日。行奉安

寶位致祭禮。和碩親王奉

世祖章皇帝詣

殯宮親王以下佐領以上齊集。

孝端文皇后率衆妃及公主格格和碩福晉以下鎮國將軍都統尚書等官命婦以上俱齊集。陳設祭品。行三叩禮。祭畢。執事官於

殿西設鹵簿儀仗。和碩親王奉

世祖章皇帝率衆官等。

孝端文皇后率衆妃等舉哀。跪

几筵前。三奠爵。行三叩禮。都統尚書內大臣等恭奉龍輦由中道出。和碩親王奉

世祖章皇帝率衆官跪三奠爵。舉哀。

孝端文皇后率衆妃俱舉哀。酉刻。恭奉

寶宮安奉。○十一日。恭奉

太宗文皇帝寶宮安葬

昭陵。和碩親王奉

世祖章皇帝率親王以下。佐領以上。齊集

山陵殿前西階。

孝端文皇后率衆妃及公主格格和碩福晉以下。鎮國

將軍都統尚書等官命婦以上齊集。

孝端文皇后率衆妃及公主等詣

寶宮前舉哀畢。跪奠三爵。行三叩禮。內大臣輔國將軍

等奉

寶宮。由中階升

陵殿。奉安於

地宮。葬畢。陳設祭品。

孝端文皇后率衆妃獻爵行禮。諸王官員亦獻爵行禮。

○十月初七日。恭上

尊謚曰

應天興國弘德彰武寬溫仁聖睿孝文皇帝。

廟號

太宗。○康熙二年九月。改建



昭陵。十二月。安葬。

寶城地宮。祭酒行禮如儀。

世祖章皇帝大喪儀。○順治十八年正月初七日。

世祖章皇帝崩。

大駕鹵簿全設。

聖祖仁皇帝截髮辮成服。王以下文武各官固倫公主

和碩福晉以下宗女佐領三等侍衛命婦以上。

皆成服。男摘冠纓。截髮辮。女去首飾。剪髮。○恭

奉

梓宮安奉

乾清宮。張繡九龍黃綺帳幔。建丹旄於

乾清門外之左。設

几筵。朝晡日中三設奠。

聖祖仁皇帝親詣尚食。哀慟不已。

孝莊文皇后揮淚撫慰。左右無不感慟。王貝勒貝子公

大臣等。公主和碩福晉以下。縣君宗室公夫人

以上每日二次詣

几筵前。

聖祖仁皇帝親視奠祭酒。三叩。立舉哀。副都統以上在

乾清門外序立。每日二次舉哀。命婦皆在京漢文

官依次赴

乾清門

景運門外齊集。武職各官依次赴

隆宗門外齊集。每日二次舉哀。凡三日止。外藩進

貢官員各給白布成服。三日而除。漢文武候選

候補等官及監生吏典僧道等咸縞素。赴順天

府署。朝夕哭臨。凡三日止。○第四日。王貝勒貝

子公等。公主福晉等各於府第齋宿。部院官於

各衙門齋宿。閒散官於

午門外齋宿。凡二十七日。○二十七日後。王以下

奉恩將軍以上。都統內大臣尚書子以上。每日一次入宮前丹陛上序立。副都統男侍郎侍衛。每日一次入宮前丹墀序立舉哀。其餘各官。在乾清門外按翼序立舉哀。○王以下文武官員。不作樂。不嫁娶。凡百日。在京軍民人等。摘冠纓。服縗素。二十七日而除。不嫁娶。凡一月。不作樂。凡百日。禁屠宰。凡四十九日。不祈禱。不祭神。凡二十七日。專司。

太廟

奉先殿祭

神殿

陵寢祭祀事務男婦內監及出征在軍營官兵家屬皆

停給孝服。本人父母新喪。兒女出痘。暫免成服。

○未除服前。票本用藍筆。各部院衙門文移用

藍印。各衙門本章。於十五日後進奏。用硃印。○

在京各寺觀。自大喪日始。各聲鐘三萬杵。○初

八日。頒

遺詔。學士麻勒吉侍衛賈卜嘉自宮中奉出。至

乾清門外。禮部尚書跪接。由中道奉至。

午門外。奉安層臺上。張黃蓋。滿漢文武各官素服。

三跪九叩興復跪聽宣

詔畢立舉哀行三跪九叩禮禮部官奉

詔設龍亭內由中道出

大清門至禮部騰黃遣官頒行天下○初九日

命部臣敬擬

大行皇帝尊謚

廟號○外省領兵王公大小各官

遺詔到日咸摘冠纓服縞素跪候過至衙門內安設行

三跪九叩禮跪聽宣

詔畢立舉哀行三跪九叩禮興官兵摘冠纓三日至第

四日照常供事。○直省文武各官。

詔到日。咸摘冠纓。服縞素。跪候過。至衙門內安設。行三

跪九叩禮。跪聽宣

詔畢。立舉哀。行三跪九叩禮。朝夕哭臨。凡三日。至二十

七日除服。官員命婦亦素服。二十七日而除。軍

民人等及妻。素服十三日而除。不嫁娶。凡一月。

不作樂。凡百日。督撫提鎮及三司官。皆免進香。

○十一月孟春時饗

太廟。遣官素服行禮。樂設而不作。各官咸不陪祀。○十

九日。行殷奠禮。陳金銀錠以楮為之三萬楮錢

後仿此

楮帛各三萬。饌筵二十一席。羊九。酒十一尊。是日黎明。王以下。滿漢文武各官以上。縣君奉恩將軍。恭人以下。民公侯伯都統內大臣尚書子命婦以上。齊集。讀祭文時。

聖祖仁皇帝跪。衆皆跪。讀畢。祭酒三爵。立舉哀。祭畢。讀祭文。官奉至燎位。焚畢。衆皆退。○二月初一日。行啟奠禮。

聖祖仁皇帝親詣陳設禮儀。與殷奠同。○初二日。奉移梓宮至

壽皇殿。



大駕鹵簿全設。奉移時。祭酒三爵。經過門橋。皆祭酒焚香錢。三旗侍衛昇輿出宮。昇輿夫校。分設八班。首班末班。以樂儀衛校尉八十人。餘班每班八十人。選五城民夫。給以衣履。令其澡沐。服紅紬團花遜衣。戴插黃翎氍帽。又以民公侯伯一等侍衛以下。參領輕車都尉以上。給事中御史郎中以下。員外郎等官以上。每班八人管轄。樂儀衛官四人。更番指示進退。昇丹旒。每班三十二人。以部院官四人。內府官四人管轄。王以下。奉恩將軍以上。內大臣侍衛在。

乾清門外按翼序立候

靈駕至。跪舉哀。候過隨行。覺羅民公侯伯以下滿漢文

武各官在

東華門外按翼齊集候

靈駕至。跪舉哀。候過各按旗排列隨行。將至

景山時。王以下男以上。先趨進至門內。其餘文武各官先趨至門外。按翼序立。公主福晉以下縣君奉恩將軍恭人以上。都統內大臣尚書子等命婦咸於門內。副都統侍郎命婦以下。佐領三等侍衛命婦宗室女以上。在門外按翼序立候。

靈駕至。皆跪舉哀。候過。

聖祖仁皇帝恭隨

靈駕。步行號泣。王以下滿漢文武官員。伏地悲慟。既至

壽皇殿。奉安

梓宮。設

几筵。

聖祖仁皇帝祭酒三爵。

每一祭酒一拜。後同。

哀戀不已。

孝莊文皇后再三慰諭。始還宮。眾皆退。乃焚丹旒楮錢。

○初三日。行初祭禮。陳

冠服楮製丹旒一。楮錠二十萬五千。楮錢十四萬五千。

各色畫緞以楮為之萬端。楮帛五萬。饌筵八十一席。  
羊二十七。酒四十一尊。

大駕鹵簿全設於

壽皇殿大門前。王以下各官公主福晉以下。四品官三等侍衛命婦以上齊集。讀祭文。眾皆跪讀畢。

聖祖仁皇帝祭酒三爵。眾皆三叩。立舉哀。祭畢。讀祭文。官奉至燎所。祭酒三爵。焚畢。眾皆退。是日。滿二十七日。

聖祖仁皇帝除服。眾皆除服。○次日。繹祭。陳楮錠二萬。楮錢一萬。饌筵十一席。羊五。酒五尊。內大臣侍

衛禮部工部堂官齊集致祭。

聖祖仁皇帝親詣祭酒行禮。○初七日。行滿月禮。陳楮錠五萬。楮錢五萬。饌筵二十一席。羊九。酒九尊。是日。王以下。鎮國將軍以上。公侯伯以下。侍衛文武三品官以上。公主福晉以下。鎮國將軍夫人。都統內大臣尚書子命婦以上齊集。

聖祖仁皇帝親祭行禮。餘與初祭同。○以後百日內。滿月致祭。與初滿月同。期年內。滿月致祭。楮錠二萬。楮錢一萬。饌筵十一席。羊五。酒五尊。不讀文。○清明日。不讀文。不焚楮錢。進挂楮錢寶花一

座。

聖祖仁皇帝親詣祭酒。舉哀行禮。衆皆齊集。餘與初滿月同。○三月。工部敬製

廟號

尊謚

冊

寶成。送內閣刻字填青。大學士禮部堂官。行一跪三叩禮。填青畢。敬儲內閣。擇吉。恭上

尊謚曰

體天隆運英睿欽文大德弘功至仁純孝章皇帝。

廟號

世祖前期三日。齋戒如常儀。前期一日。遣官各一人。祇

告

天

地

太廟

社稷。至日。鑾儀衛官於

壽皇殿大門前陳設

大駕鹵簿。作樂。內禮儀院設

冊

寶黃案二於

殿門外。一設正中。一設左旁。鴻臚寺設

冊

寶黃案二於

太和門階上正中。設綵亭二於階下。大學士二人

奉

冊

寶奉安黃案上。一跪三叩興。

聖祖仁皇帝素服御太和門。大學士二人各詣黃案前

一跪三叩奉



冊

寶奉安各亭內。復一跪三叩退。校尉昇行。

冊前

寶後。黃蓋一柄

御仗二對前導。鴻臚寺官恭導

聖祖仁皇帝降階升輿。隨亭後行。親王以下奉恩將軍  
以上於

協和門外兩旁序立。俟亭至跪。候過隨行。文武四  
品官以上於

東華門外序立。俟亭至跪。候過隨行。亭由

景山東門入。至

壽皇殿大門外。

聖祖仁皇帝降輿。

冊

寶亭由中門入。至檐前左旁安設。導引官恭導。

聖祖仁皇帝由左門入。至殿門外左旁立。王以下。公以

上。咸序立於大門內兩旁。文武四品官以上。序立於大門外兩旁。大學士二人至。

冊

寶亭前。一跪三叩。各奉

冊

寶設左旁案上。先奉絹

冊

寶設正中案上。太常典儀官唱執事官各共乃職。導引

官恭導

聖祖仁皇帝就拜位立。贊引官奏跪拜興。

聖祖仁皇帝行三跪九拜禮興。王以下各官皆隨行禮。

贊引官奏跪。

聖祖仁皇帝跪。奏進

冊奉

冊大學士從左案恭奉跪進。

聖祖仁皇帝奉

冊恭獻畢。授右旁大學士跪接。設於正中案上。奏進寶奉。

寶大學士從左案恭奉跪進。

聖祖仁皇帝奉

寶恭獻畢。授右旁大學士跪接。設於正中案上。奏宣冊宣。

冊官詣

冊案奉絹

冊跪宣畢。仍設案上。三叩退。奏宣

寶宣

寶官詣

寶案奉絹

寶跪宣畢。仍設案上。三叩退。贊引官奏跪拜興。

聖祖仁皇帝行三跪九拜禮。王以下各官皆隨行禮次

於

几筵前致祭。贊引官奏行三跪九拜禮。王以下各官皆

隨行禮。贊行初獻禮。司帛官司爵官詣

几筵前恭獻。贊引官奏跪。

聖祖仁皇帝跪。衆皆跪。贊讀祝。讀祝官一跪三叩。從案上奉祝文跪讀畢。陳帛案上。一跪三叩退。贊引官奏行三拜禮。王以下各官皆隨行禮。贊行亞獻禮。司爵官進獻於左。如初獻儀。贊行終獻禮。進獻於右。如亞獻儀。奏行三跪九拜禮。王以下各官皆隨行禮。贊恭送祝帛詣燎位。奉絹

冊

寶官奉祝帛。官皆詣案前。一跪三叩。以次奉至燎所。焚訖。大學士二人各行一跪三叩禮。奉香

冊

寶贊引官恭導

聖祖仁皇帝詣

几筵前奉安。奏行一跪三拜禮。禮成。

聖駕還宮。次日

頒詔天下。○四月十七日。行百日禮。陳楮錠五萬。楮錢四萬五千。楮帛二萬。饌筵二十五席。羊九。酒十三尊。王以下各官。公主福晉以下。縣君奉國將軍。淑人都統內大臣。尚書子命婦以上。齊集。讀文致祭行禮。○是日。行恭題

神主禮。內閣大學士一人進

觀德殿內。於

升祔

太廟

神主前。上香。一跪三叩。恭奉

神主。禮部官導至

壽皇殿門外。所設黃幄內。奉安黃案上。上香。一跪三叩。  
退。內閣滿漢大學士各一人。咸朝服。盥手。詣

神主香案前。一跪三叩。興。於

神主神宇空處。恭點石青畢。一跪三叩。奉安黃幄內。王

以下文武各官齊集



東華門外。按翼序立。大學士詣

神主香案前。一跪三叩。奉安黃輿內。一跪三叩。鹵簿全

設。校尉昇輿前行。內大臣侍衛隨後。至  
觀德殿前。輿暫止。大學士一人進殿內。於

升祔

奉先殿

神主前。一跪三叩。恭奉

神主安輿內。一跪三叩。校尉昇行。禮部官前導。隨

升祔

太廟

神主與後由

景山東門出。將至

東華門。齊集。王以下文武各官皆跪。候過輿。進東華門。王以下各官退。內閣禮部堂官均隨行。

聖祖仁皇帝素服跪迎於

景運門內。隨輿後行。內務府官前導。至

乾清門輿止。

聖祖仁皇帝先詣

升祔

太廟

神主前行一跪三拜禮恭奉

神主奉安黃案上行一跪三拜禮興於

升祔

奉先殿

神主與前行一跪三拜禮恭奉

神主奉安於

升祔

太廟

神主之右行一跪三拜禮興內務府官供果品點香燭

獻酒三爵

聖祖仁皇帝行三跪九拜禮。禮成。擇吉行

升祔禮。

儀別載。

○二十一日。行奉安

寶位禮。

聖祖仁皇帝親詣祭酒舉哀行禮。王以下各官公主福

晉大臣命婦齊集。讀文祭酒行禮。儀與百日同。

○百日後滿月致祭。內大臣侍衛禮部工部堂

官齊集。○五月初三日。行大祭禮。儀與初祭禮

同。○次日繹祭。與前繹祭同。○六月題准。百日

期滿。大祭禮畢。恭請

皇帝升殿。文武各官朝見謝

恩等禮。照舊舉行。○建造

饗殿

地宮。精選識地理人等。內院禮部工部都察院科道官員率往會擬。○朝鮮國王遣使進香。恭進祭文一道。沈香三兩。芙蓉香二十柱。銀香合一。刻畫龍燭二。銅燭檠二。白金三百兩。白細綿紬二百。白細苧布一百。白棉紙二十萬。白紙二十萬。榛子柏子黃栗銀杏大棗核桃各十斗。清蜜十有五斗。祭文由內閣繕譯。禮部恭書。貢物付所司陳設。祭品白金。交內務府禮部置辦饌筵牲醴。

是日遣官一人祭酒行禮。凡進王以下奉國將軍文武三品官侍衛以上齊集。陳設祭品。鳴贊。官贊來使行禮。讀文致祭。奉祭文送燎畢。衆皆退。○七月十五日。行中元禮。陳楮錠十萬。楮錢七萬。畫緞一萬端。楮帛二萬。饌筵三十一席。羊九。酒九尊。鹵簿全設。王以下宗室公以上民公以下文武三品官以上內大臣都統尚書子命婦以上齊集。

聖祖仁皇帝親詣讀文祭酒。致祭禮畢。讀祭文。官奉送焚燎。衆皆退。○十月朔。

聖祖仁皇帝親詣

几筵奠獻行禮。○十二月行歲暮禮。陳楮錠五萬。楮錢楮帛各五萬。饌筵三十一席。羊九。酒十五尊。王以下奉恩將軍文武四品官以上。公主和碩福晉以下。縣君固山夫人以上。齊集。

聖祖仁皇帝親詣祭酒行禮。禮畢。讀祭文。官奉送焚燎。衆皆退。○康熙元年正月朔。

聖祖仁皇帝詣

几筵前行禮。○周年致祭。

聖祖仁皇帝親詣祭酒行禮。是日陳羊酒饌筵各祭物。

與歲暮禮同。鹵簿全設。王以下奉恩將軍文武四品官以上。公主和碩福晉以下。縣君鎮國將軍夫人。都統內大臣尚書子命婦以上。齊集讀文祭酒行禮。禮畢。讀祭文。官奉送焚燎。衆皆退。

○七月十五日。行中元禮。○十二月。行歲暮禮。○二年正月。行二周年禮。陳楮錠三萬。楮錢楮帛各一萬。饌筵十一席。羊三。酒三尊。儀與周年同。○五月。恭奉。

世祖章皇帝寶位移送

孝陵前期三日。各遣官一人。祇告。



天

地

太廟

社稷如儀。○大葬前期開列有執事王公大臣並禮工

二部內務府總管及姻戚大臣職名請

旨欽命者方得入

地宮執事並開列管押匠夫官四人職名及匠夫人數

具奏其執香鐙內監交總管內監等奏除內監

十人此外不得擅入。○前期一日行祖奠禮陳

楮錠五萬楮錢楮帛各五萬饌筵三十一席羊

九。酒十五尊。鹵簿全設。王以下。鎮國將軍內大臣侍衛都統尚書子以上齊集。

聖祖仁皇帝親詣。讀文祭酒。行禮舉哀。禮畢。讀祭文。官奉送焚燎。衆皆退。先是諸王大臣引古禮止駕遠送。未允。至是

孝莊文皇后懿旨諄切。

聖祖仁皇帝不得已。勉遵

慈命。○是日早。鹵簿全設。公主福晉以下。縣君奉恩將軍。恭人副都統侍郎男命婦以上。在

壽皇殿前分翼齊集。侍衛文武四品官以上命婦在

景山東門外齊集。王以下奉恩將軍以上內大臣  
侍衛在

壽皇殿大門外分翼齊集。香

冊

寶先設輿內。恭設

靈輿於階上正中。昇以校尉十六人。屆時。

聖祖仁皇帝祭酒哀慟。悲不自勝。衆隨行禮畢。輔臣恭

奉

寶位奉安輿內。

靈輿在前。

冊

寶輿在後。

靈輿啟行時。

聖祖仁皇帝攀號悲泣候過。諸王大臣侍衛按次隨行。不往送之。公侯伯以下滿漢文武各官於

東安門外齊集候

靈輿將至。皆跪舉哀。候過隨行。出土城關方回。往送之。王以下公侯伯滿漢文武各官於土城關外大路兩旁序立候

靈輿將至。皆跪舉哀。候過隨行。經過門橋。均祭酒焚楮

錢每至宿次奉

靈輿於黃幄內。每夕奠獻親王祭酒三爵。每晨亦如之。其朝夕奠獻時。諸王貝勒內大臣侍衛等進木城內。各官在木城外序立舉哀。沿途百里內地。方文武官皆素服。在道右跪迎。舉哀候過。至

陵日。奠獻與在途同。次日王以下各官齊集。奠獻祭酒。一跪三叩。立舉哀。徹饌畢各退。是日王以下各官皆回京。○六月行安葬。

地宮禮前期遣輔臣及文武三品以上官詣

陵致祭。陳楮錠三萬。楮錢楮帛各三萬。饌筵二十五席。

羊七。酒十五尊。讀文祭酒行禮。○前期三日。遣  
官祇告

天

地

太廟

社稷是日早。鹵簿全設。禮部堂官掌儀司官奉

世祖章皇帝

孝康章皇后

孝獻皇后香

冊

寶奉安各輿內。送至

地宮奉安。輔臣一人詣

寶位前跪。行奉移禮。祭酒三爵。

世祖章皇帝寶位。輔臣二人。內大臣一人。奉安輿內。

孝康章皇后寶位。親族大臣等奉安輿內。

孝獻皇后寶位。親族大臣等奉安輿內。入

地宮時。內大臣侍衛在木城外。公侯伯以下參領雲騎

尉在網城外。按翼序立。候

靈輿至。咸跪舉哀。候過隨後舉哀行。至

地宮。輔臣內大臣侍衛公侯伯以下。副都統侍郎男以

上在

地宮圓城內序立。參領雲騎尉在圓城外

饗殿後兩旁序立。各舉哀。至吉時。恭奉

世祖章皇帝寶位奉至

地宮。安設

寶牀上正中。奉

孝康章皇后寶位安設於左。奉

孝獻皇后寶位安設於右。畢。掩閉

元宮石門。輔臣在

地宮前。跪祭酒三爵。內大臣侍衛文武各官咸隨行禮



舉哀各退。是日。鹵簿儀仗盡焚訖。次日。輔臣內大臣侍衛文武各官詣

陵謁辭。皆進圓城內序立。舉哀畢。輔臣等跪於

陵前。祭酒三爵。文武各官皆行三跪九叩禮。兩旁序立。舉哀畢。各退回京。

饗殿告成。奉安。

世祖章皇帝神位於正中寶座。

孝康章皇后神位於左。

孝獻皇后神位於右。均南嚮。迺行致祭禮。讀祝奠獻。一

如時饗儀。